

MAJLIS + ACARA

Penulis: NORZALINA MOHD ALIAS

Foto : ABOY & SAKINAH

DYMM TUANKU BAINUN & DYTMI TUANKU ZARA SERIKAN MAJLIS SAMBUTAN HARI IBU PLC/NONA



WANITA BERGELAR IBU KINI KIAN VERSATIL MENERAJUI KEHIDUPAN. DI SEBALIK KELEMBUTANNYA, TERKUMPUL KEKUATAN UNTUK MENAKLUKI KERJAYA LELAKI SEKALI GUS MENGHARUMKAN NAMA NEGARA TANPA ALPA MENCURAHKAN CINTA BUAT KELUARGA. BERSEMPENA PERAYAAN HARI IBU BARU-BARU INI, NONA SEKALI LAGI BEKERJASAMA DENGAN PERAK LADIES CLUB (PLC) MENGANJURKAN MAJLIS SAMBUTAN HARI IBU PLC/NONA, BERLOKASI DI SALOMA BISTRO, KUALA LUMPUR.





Meninjau suasana indah di dewan utama, kuntuman mawar mekar menghiasi tiap meja santapan dengan adunan rona-rona lembut putih dan merah jambu. Door gift istimewa sumbangan Kumpulan Karangkraf, AVON, Angsana Spa Hotel Crowne Plaza Mutiara, TruDox, Pynocare, Puteri Emas, 3M dan Fresh & White turut menjadi bingkisan ikhlas kepada semua yang hadir. Tidak ketinggalan mempesona majlis hi-tea di petang Ahad lalu, para tetamu sama-sama bergaya elegan, anggun berselendang menyerlahkan kejelitaan seorang ibu yang tidak pernah pudar dimakan waktu.

Jam 2.30 petang, tumpuan hadirin diusik dengan ketibaan D.Y.T.M Tuanku Zara Salim, yang baru sahaja bergelar ibu pada 14 Mac 2008. Sejurus itu, karpet merah berterusan mencuri tumpuan dengan ketibaan D.Y.M.M Raja Permaisuri Perak Tuanku Bainun dan

anakandanya iaitu Y.M Raja Azureen, Y.M Raja Elena dan Y.M Yong Sofea. Turut mengiringi Permaisuri dan kaum kerabat DiRaja ke dalam dewan ialah Presiden PLC Puan Siti Hendon berserta ahli-ahli PLC dan kakitangan Karangkraf yang bertugas.

Pembukaan tirai majlis dihangatkan dengan persembahan koir dan deklamasi sajak berjudul 'Sembilan Bulan' oleh adik Dianne Khairuddin. Kelihatan ramai tetamu tersentuh dengan bait-bait puitis yang diungkapkan, sambil fikiran kembali terkenangkan nostalgia manis bersama ibu tersayang.

Sejurus kemudian, Pengerusi Majlis mempersilakan Presiden PLC iaitu Puan Siti Hendon Hj. Chik untuk menyampaikan ucapan menjunjung kasih kepada Baginda Raja Permaisuri, Tuanku Zara dan kerabat yang berkenan hadi ke majlis tersebut, VVIP serta para hadirin sekalian.

Sambil menjamu selera dengan aneka hidangan tradisi dan moden, tetamu dihiburkan dengan persembahan tarian kebudayaan oleh kumpulan penari Saloma Bistro serta nyanyian solo oleh ahli-ahli PLC yang berbakat.

ANUGERAH BUAT IBU

Majlis penyampaian anugerah merupakan acara kemuncak majlis yang paling ditunggu-tunggu. Beberapa kategori diperuntukkan dengan pelbagai hadiah-hadiah tajaan Kumpulan Karangkraf, Origins, L'OREAL serta jambangan bunga dari Cleo Studio. Sementara Serithill Sdn Bhd turut memberi sumbangan wang kepada 10 ibu tunggal.

Sebagai menghargai jasa wanita ini, Anugerah Ibu Unggul NONA/PLC telah diberikan kepada Tan Sri Datuk Paduka Seri Hjh. Zaleha Bt. Ismail, yang banyak mencurahkan khidmat bakti



terhadap anak bangsa. Anugerah Khas Wanita PLC pula kepada Puan Sri Dato' Professor Emeritus Dato' Fatimah Bt. Hamid Don, seorang aktivis sosial dan ahli majlis penasihat di Kementerian Pembangunan Wanita, Keluarga dan Masyarakat. Bagi mengenang jasa dan kecemerlangan wanita yang cukup membanggakan, Anugerah Ibu Cemerlang

NONA diserahkan kepada Datuk Dr. Nor Ashikin Bt. Mokhtar, seorang pakar obstetri & ginekologi ternama, penulis buku dan pemilik Pusat Perubatan PrimaNora; Dr. Halimah Bt. Ali, seorang pakar perubatan, pemilik Poliklinik Halimah dan pengasas Kelab Remaja Intan Islam yang banyak menyertai misi-misi kemanusiaan ; Puan Almaz Salma Bt. Abd.

Rahim, seorang ahli perniagaan merangkap Pengarah Urusan Almaz Arkitek serta Puan Noraini Bt. Soltan, pemilik Sipro Plastic Industries Sdn. Bhd. Anugerah Ibu Berjaya PLC pula memilih empat ahli PLC yang berjaya membina perniagaan masing-masing. Mereka terdiri daripada Puan Norsiah Khairuddin, Pua Ely Nur Avianty, Puan Maiyizat-Ul-Najwa dan



Puan Dzarian Adam. Kesemua anugerah dan cenderahati telah disampaikan oleh D.Y.T.M Tuanku Zara.

NONA turut berbesar hati mempersembahkan cenderamata berupa sebuah bingkai berisi porselin tajaan Kelopak Gallery, barang tajaan AVON dan majalah Karangkraf kepada DYMM Raja Permaisuri Perak. Coklat mewah

Rafflesia disampaikan oleh Puan Winnie Sin kepada DYTM Tuanku Zara sempena ulang tahun perkahwinan baginda. Juga sejambak bunga segar dari Flora Etc by Razak disampaikan oleh Editor NONA, Ida Abd Aziz kepada baginda. Porselin eksklusif Kelopak Gallery turut dipersembahkan kepada DYTM Tuanku Zara, YAM Raja Dato' Seri Azureen, YAM Raja Dato' Seri Elena dan YAM Raja

Dato' Seri Yong Sofea. Hadiah istimewa berupa kek dan cokies dari air tangan ahli-ahli PLC juga dipersembahkan kepada Tuanku Bainun dan ahli keluarga diraja yang lain. Cenderahati disampaikan oleh Puan Siti Hendon.å

Sebelum majlis berakhir, semua tetamu dijemput menghangatkan lantai tari dengan dendangan irama rancak poco-poco. Kegembiraan jelas terpancar di setiap wajah wanita anggun yang bergelar ibu ini sambil bergelak tawa menikmati lagu yang berkumandang.

Apa yang menariknya, Baginda Raja Permaisuri Perak serta anakandanya turut serta menarikkan poco-poco dengan lenggang-lengkok menawan, sebelum berangkat pulang tidak lama kemudian. Walau bagaimapun, para tetamu masih belum mahu meninggalkan acara poco-poco, sambil menantikan keputusan cabutan bertuah.



Kelab Remaja PLC bergambar bersama YM Dato' Seri Azureen



Puan Sri Dato' Fatimah, Tengku Zaharah dan tetamu VIP



Datin Valerie Al bakri hadir bersama sahabat



Warga Kerja NONA



Sebahagian AJK PLC merakam kenangan bersama YAM Raja Dato' Seri Azureen

